



**HKBP Yogyakarta**  
**ACARA IBADAH**  
**Pukul 09:00 & 11:00 Bahasa Batak**  
**MINGGU IV DUNG TRINITATIS, 10 Juli 2022**

---

- 00 TANGIANG NA HOHOM BE 811
- 01 BE 559:1-3  
DEBATA NA SONGKAL JALA NA BADIA
- 1  
Debata na songkal Sitolu sada,  
Di sogot ni ari hupuji goarMi,  
Debata na songkal siparasi roha  
Sitolu sada, na badia i. Amen.
- 2  
Debata na songkal, surusuruanMu  
saluhut marsomba pasahat tumpalMi.  
Angka na badia ro tu adopanMu  
mamujimuji salelengna i. Amen.  
...Jongjong di ayat 3...
- 3  
Debata na songkal, na so tarida,  
mata na mardosa, ndang tau marnida Ho.  
Ho na sun badia, na so hatudosan,  
sun hinagogo, sun sangap do Ho. Amen.
- 02 Votum-Introitus-Martangiang:
- 03 BE 557:1-2  
DAO DUMENGGAN
- 1  
Dao dumenggan, asi ni rohaM,  
dao ummarga sian ngolungkon.  
Sai pujionku ma Ho Tuhanhu,  
dao ummarga, asi ni rohaM.
- 2  
Ala goarMu ro do au tu Ho,  
Herbang tanganhu, lao mamuji Ho.  
Dao ummarga sian ngolungku,  
dao dumenggan asi ni rohaM.

04 PATIK: 2 Timoteus 4:2

05 BE 688:1-2

TUHAN

1

Tuhan jotjot do marsak donganki,  
ala na sala pambahenani.

Hatangku, langka nang parulanhi;  
jora ma au.

...Jongjong di ayat 2...

2

Pangkulinghi pe tupa so une,  
mambaen jut roha ni donganhu pe.

Pingkiran, hata na hurang ture;  
jora ma au.

06 MANOPOTI DOSA:

07 BE 194:1-2

AUT SO ASI ROHAM

1

Aut so asi rohaM, aut so godang basaM, tu dia au?

Alai dibaen basaM, dohot asi rohaM, tu surgo au

2

Mauliate ma, di Ho o Debata, ala basaM

Sibahen dalam i, marhite AnakMi, tu banuaM

08 EPISTEL:

Kolosse 1:1-14

1:1 Ahu surat ni si Paulus, apostel ni Kristus Jesus, sian lomo ni roha ni  
Debata, dohot Timoteus, dongan i,

1:2 mandapothon angka na badia na di Kolosse, angka dongan na porsea, na di  
bagasan Kristus: Asi ni roha ma di hamu dohot dame sian Debata, Amanta i!

1:3 Mandok mauliate do hami, laho tumangiangkon hamu tongtong tu Debata,  
Ama ni Tuhanta Jesus Kristus.

1:4 Ai hubege hami do barita ni haporseaonmuna di Kristus Jesus, nang  
holong ni rohamuna mida saluhut na badia,

1:5 ala ni sihirimon i, naung diparade di hamu di banua ginjang i; nunga dibege hamu hian i marhitehite hata hasintongan i, i ma barita na uli i.

1:6 I ma naung sahat, nang tu hamu, nang tu liat portibi on; na marparbue do i jala lam ganda, suang songon na di hamu, olat ni dung dibege jala ditanda hamu asi ni roha ni Debata di bagasan hasintongan.

1:7 Songon i do diguruhon hamu sian si Epapras, dongan saulaon i, na hinaholongan; ai parhalado ni Kristus na haposan do ibana humongkop hamu.

1:8 Laos ibana do pajojorhon tu hami holong ni rohamuna di bagasan tondi.

1:9 Dibahen i, dung hubege hami i, ndang mansohot nang hami tumangiangkokon hamu, jala mangido, asa digohi di hamu pantas ni roha, mananda lomo ni rohana, marhitehite nasa hapistaran dohot habisuhon partondion,

1:10 asa marparange na tama di Tuhan i hamu, gabe halomoan situtu jala marparbuehon nasa ulaon na denggan;

1:11 laos ganda di hamu panandaon di Debata, gabe margogo situtu hamu hombar tu gogo ni hasangaponna i, mangkorhon nasa habengeton dohot lambas ni roha, mardongan las ni roha.

1:12 Mandok mauliate ma hamu di Ama i, naung patauhon hamu, manjalo tohap na di bagasan hatiuron i, siteanon ni angka na badia i!

1:13 Ai nunga diroro hita sian gomgomon haholomon i, jala dipaunsat hita tubagasan harajaon ni Anak, haholongan ni rohana.

1:14 Di bagasan Ibana do adong di hita haluaon i, i ma hasesaan ni angka dosa.

09 BE 25:1-2

#### HATAMI ALE TUHANHU

1

HataMi ale Tuhanhu, arta na ummarga i.

Sai paian di rohangku, unang so hutioi i.

Molo so be sitiopan hata na badia i;

Aha nama haojahan ni haporseaon i?

...Jongjong di ayat 2...

2

Ale Jesus sai matahon, sai ramoti ma au on.

Asa hot haporseaon di bagasan rohangkon.

Sai paringgas ma rohangku mangoloi di hataMi,

asa mauas di podaMu, songon si Maria i.

10 MANGHATINDANGHON HAPORSEON

11 KOOR/VG :

12 TINGTING:

13 BE 232:1-2

SIAN SUDE PARULIAN NA ARGA

1

Sian sude parulian na arga  
Sada huboto hutio tongtong  
Jesus Tuhanhu Ho arta na arga  
Na mangatasi sudena antong  
Tangkup Tuhanmu tung tiop hataNa  
Sai pangasahon ma bagabagaNa.

2

Naeng ho pistar? Sai dapothon Tuhanmu  
Nasa na hurang sai boan tusi  
Tu pamodaiNa paunduk rohaMu  
Asa tiur sasude bogasMi  
Tangkup Tuhanmu tung tiop hataNa  
Sai pangasahon ma bagabagaNa.

14 JAMITA:

5 Musa 30:11-14

30:11 Ai patikon, na hutonahon i tu ho sadarion, ndang masongkalhu di ho, manang maholangku.

30:12 Ndada di banua ginjang hata i, umbahen pola ingkon dohononmu: Ise ulaning singkatnami manaek tu banua ginjang, asa mangalapsa di hami dohot pabegehonsa tu hami, asa ulahononnami nian?

30:13 Jala ndada di bariba ni laut hata i, umbahen pola ingkon dohononmu: Ise ulaning singkatnami taripar laut mangalapsa di hami dohot patubegehonsa, asa ulahononnami nian?

30:14 Ai mansai donok do hata i di ho, di bagasan pamanganmu tahe dohot di bagasan roham, asa ulahononmu i.

15 Ayat Pelean: ***Ibrani/Heber/Hebrew 13:16 TEV***

Alai unang ma lupa hamu mambahen na denggan dohot mangulahon asi ni roha; ai dihalomohon Debata do angka pelean sisongon i.

16 BE 28:1--- (Persembahan IA, IB, dan II)

HATA NI JAHOWA

1

Hata ni Jahowa sipadame jolma, hangoluan i.

Halalas ni roha siapuli roha, ni na marsak i.

Gogo ni Debatangki paluahon na porsea, sian nasa jea.

2

Nasa tinahiNa tagan so ditompa tano on dope.

Nang na tinuduan ni sude pelean jumpang do muse.

Sangkap ni Amana i dipatulus Jesus Kristus, jolma i ditobus.

3

Na rade di hita asi ni rohaNa, nang basaNa pe.

Nunga mate Kristus, nunga sun ditobus hita on sude.

Sangap ma di Debata, na porsea di hataNa do pangoluonNa.

4

Hata hangoluan do nuaeng diboan parjamita i.

Na lambok begeon, i nuaeng dilehon tu rohanta i.

Hita on dijamita i, ai didokhon be do hita paubahon roha.

17 PANUTUP: Tangiang dohot Pasupasu